

ՇՆՈՐՅԱՎՈՐ ՆՈՐ ՏԱՐԻ ԵՎ ՍՈՒՐԲ ԾՆՈՒՆԴ

ԹՈՂ 2021-Ը ԼԻՆԻ ԱՌՈՂՋՈՒԹՅԱՆ ԵՎ ՀԱՋՈՂՈՒԹՅՈՒՆՆԵՐԻ ՏԱՐԻ



«ՅՐԱՆՑԱՆՈ» (ՆԱԺԱՐԱՐՈՒՄ) ԹԵՐԹԸ ԼՈՒՅՍ Է ՏԵՍՆՈՒՄ 1920 Թ. ԴԵԿՏԵՄԲԵՐԻՑ № 1 - 2 (16906) ՈՒՐԲԱԹ 1 ՀՈՒՆՎԱՐԻ 2021 Թ. ԳԻՆԸ՝ 40 ԹԵԹՐԻ

ԽՈՐՀՐԱՐԱՆԸ ՄԻԱՋԱՅՆ ՀԱՍՏԱՏԵՅ ԳԻՈՐԳԻ ԳԱՆՏԱՐԻԱՅԻՆ՝ ՎԱՐՉԱՊԵՏԻ ՊԱՇՏՈՆՈՒՄ ԵՎ ՆՈՐ ԿԱՌԱՎԱՐՈՒԹՅԱՆ ԿԱԶՄԸ

Դեկտեմբերի 24-ին Վրաստանի խորհրդարանը, չորսօրյա քննարկումից, վարչապետի եւ նախարարների պաշտոնակատարների հանրագումարային հաշվետվությունների գնահատումից հետո, միաձայն՝ 85 կողմ ձայնով, հաստատեց Վրաստանի վարչապետ Գիորգի Գախարիայի ներկայացրած նախարարների նոր կազմն ու հավանություն տվեց վարչապետի կողմից բարձրաձայնված կառավարության գործունեության ծրագրին:



Հիշեցնենք, որ նախորդ կառավարության համեմատ, ներկայիս կառավարության կազմում իրականացվել է միայն մեկ փոփոխություն՝ Թեա Ծուլուկիանու փոխարեն, արդարադատության նախարարությունը գլխավորելու է նախկին առաջին փոխնախարար Գոչա Լորթքիպանիձեն:

Խորհրդարանի կողմից հաստատվել է կառավարության հետևյալ կազմը՝ վարչապետ Գիորգի Գախարիա, տարածաշրջանային զարգացման եւ ենթակառուցվածքների նախարար Մայա (Շարունակությունը՝ 4-րդ էջում)

Ի՞նչ բարեկամներ.

Ի սրտե շնորհավորում են մեր երկրի տպագիր մամուլի ակնառու ներկայացուցիչ եւ մատենագիր «Վրաստան» թերթի 100-ամյա հոբելյանը:

Ձեր անգնահատելի աշխատանքն այն հի-անալի օրինակն է, թե լրատվամիջոցները ինչպես են կարողանում միավորել հասարակայնությունը՝ օբյեկտիվ ու հուսալի տեղեկատվության մատուցմամբ:

Որպես խորհրդարանի նախագահ՝ առանձնակի երախտապարտ են այն (Շարունակությունը՝ 2-րդ էջում)



ԱՌԱՋՆՈՐԴԱԿԱՆ ԳԻՐ ՕՐԴՆՈՒԹՅԱՆ ԵՎ ՇՆՈՐՅԱՎՈՐԱՆՔԻ



Հ ա ն ու ն Վիրահայոց թեմի հոգեւոր դասի, հավատացյալների եւ պաշտոնեության, հանուն թեմապատկան կառույցների ղեկավարության ու այդ կառույցների շուրջ համախմբված հայ եւ վրացի մտավորականության, մանուկների, պատանիների ու երիտասարդների, ջերմորեն շնորհավորում ենք հանրապետական «Վրաստան» թերթի 100-ամյա հոբելյանը:

Քիչ են պարբերականները, որ տալիս են ընթացքում կերտում եւ պահ- (Շարունակությունը՝ 2-րդ էջում)

ՀԱՐԱՏԵՎՈՒԹՅՈՒՆ ՔԵՋ, «ՎՐԱՍՏԱՆ»

Լրացավ մեր սիրելի «Վրաստանի» 100-ամյակը: Թանկագին «Վրաստանցիներ», ձեզ եւ բոլոր վիրահայերին շնորհավորում են պանծալի հոբելյանի առիթով, թերթին մաղթում հարատևություն ու առաջընթաց:

Սիրելի՛ հայրենակիցներ եւ հատկապես իմ հարեմի բնօրրանի՝ Սամցխե-Ջավախեթիի զավակներ, շնորհավոր Ամանոր եւ Սուրբ Ծնունդ: 2020 թվականը, չնայած դժվարությունների, այդուհանդերձ մեծ տեղաշարժեր բերեց իր հետ: Համավարակի պայմաններում մեր երկիրը կարողացավ ժողովրդավարական եւ արդար ընտրություններ անցկացնել ու (Շարունակությունը՝ 2-րդ էջում)



«ՎՐԱՍՏԱՆԸ» 100 ՏԱՐԵԿԱՆ Ե ՇՆՈՐՅԱՎՈՐԱՆՔՆԵՐ ՄԵԿՂԱՐՅԱ ՀՈՐԵԼՅԱՆԻ ԱՌԻԹՈՎ

«ՎՐԱՍՏԱՆ» ԹԵՐԹԻ ԽՄԲԱԳՐՈՒԹՅԱՆԸ

Տիկնայք եւ պարոնայք: Շնորհավորում են «Վրաստան» թերթի 100-ամյա հոբելյանը:

«Վրաստան» թերթը միշտ վիթխարի դեր է կատարել մեր հայալեզու քաղաքացիներին պաշտոնական կարելուր տեղեկատվությամբ ապահովելու գործում եւ այսօր էլ նպաստում է Վրաստանի միասնական հասարակությունը մրանց ինտեգրմանը:

Այս տարիների ընթացքում շատ մարդիկ են աշխատել եւ այսօր էլ աշխատում են «Վրաստան»-ի խմբագրությունում: Ձեզանից յուրաքանչյուրի ներդրումը անգնահատելի է, եւ ցանկանում են յուրաքանչյուրի շնորհավորել ու հաջողություն մաղթել այս նշանակալի գործունեության մեջ:

Հարգանքներով՝ ՍԱԼՈՄԵ ԶՈՒՐԱԲԻՇՎԻԼԻ
Վրաստանի նախագահի

ԼՐԱՑԱՎ ՀԱՅԱԼԵԶՈՒ «ՎՐԱՍՏԱՆ» ԹԵՐԹԻ
100-ԱՄՅԱԿԸ

Ցանկանում են թերթի խմբագրությանը, նրա ընթերցողին եւ մեր հասարակությանը շնորհավորել հոբելյանական այս տարեդարձի առթիվ: Հատկապես շնոր-



հարգելի՛ բարեկամներ. Ջերմորեն շնորհավորում են «Վրաստան» թերթի ստեղծման եւ անդամիկ համարի լույսընծայման 100-ամյակի առթիվ: Լինելով ցայսօր լույս տեսնող հայատառ ամենահին պարբերականներից մեկը, «Վրաստան» արդեն մեկ դար վիրահայության առօրյայի հավատարիմ ու անբաժան ուղեկիցն է, բարեկամ Վրաստանի հասարակական-քաղաքական, տնտեսական ու մշակութային կյանքի մշտաբուն տարեգիրը:

«ՎՐԱՍՏԱՆ» ԹԵՐԹԻ ԽՄԲԱԳՐԱԿԱԶՄԻՆ ԵՎ

ԸՆԹԵՐՑՈՂՆԵՐԻՆ

Հարգելի՛ բարեկամներ.

Ջերմորեն շնորհավորում են «Վրաստան» թերթի ստեղծման եւ անդամիկ համարի լույսընծայման 100-ամյակի առթիվ:

Լինելով ցայսօր լույս տեսնող հայատառ ամենահին պարբերականներից մեկը, «Վրաստան» արդեն մեկ դար վիրահայության առօրյայի հավատարիմ ու անբաժան ուղեկիցն է, բարեկամ Վրաստանի հասարակական-քաղաքական, տնտեսական ու մշակութային կյանքի մշտաբուն տարեգիրը:

Եվ դրանում մեծ է նաեւ թերթի երկարամյա խմբագիր Վան Բայբուրջանի դերն ու ներդրումը:

«Վրաստան» իրավամբ հայ եւ վրացի ժողովուրդների դարավոր բարեկամության մնայուն խորհրդանիշն է: Միաժամանակ, այն հայ մամուլի մեծ ընտանիքի պատվավոր անդամներից մեկն է, որին մաղթում են երկարակեցություն եւ շարունակական հաջողություններով լի բեղմնավոր ժամանակներ:

ԱՐՄԵՆ ՍԱՐԳՍՅԱՆ

Հայաստանի Հանրապետության նախագահ

«ՎՐԱՍՏԱՆ» ԶԱՐԲԱԹԱԹԵՐԹԻ ԳԼԽԱՎՈՐ ԽՄԲԱԳՐԻ
ՊԱՐՈՆ ՎԱՆ ԲԱՅԲՈՒՐՋԱՆԻ

Հարգարժան պարոն Բայբուրջ.

Սրտանց շնորհավորում են Ձեզ եւ «Վրաստան» թերթի ողջ անձնակազմին, ընթերցողներին՝ թիփսիում հրատարակվող ամենաերկարակյաց հայալեզու պարբերականի 100-ամյա հոբելյանի առիթով:



Շնորհավորում են «Վրաստան» թերթի խմբագրությանը, նրա բազում ընթերցողներին պարբերականի 100-ամյա պատմական հոբելյանի առիթով:



(Շարունակությունը՝ 2-րդ էջում)

2021 ԹՎԱԿԱՆՆ ԻՐ ՀԵՏ ԲԱԶՄԱԹԻՎ ՀԱՐՑԵՐԻ ԼՈՒԾՈՒՄ Է ԲԵՐԵԼՈՒ

Այս անգամ ամանորյա շնորհավորանքը ուղեկցվում է եւս մեկ ուրախ իրադարձությամբ: Բոլորիս հարազատ դարձած ու միշտ սպասված «Վրաստանը» արձանագրում է իր մեկ-դարյա պատմությունը: Շնորհավոր հոբելյանը, մեր պատկառելի հոբելյար: Քեզ հետ միասին մենք՝ քո ընթերցողները, այսօր նոր նպատակ ու ծրագիր ենք նախագծում:

Վրաստանի համար 2020թ., ընդհանուր առմամբ, հաջողակ էր: Հնարավոր է ոչ մեծ քայլերով առաջընթաց, բայց տեսանելի եւ պետքական արդյունք ունեցանք: Օր-օրի (Շարունակությունը՝ 2-րդ էջում)



«Վրաստան» թերթի խմբագիր Վան Բայբուրջանին.

Սիրելի բարեկամ, հանձինս Ձեզ շնորհավորում են «Վրաստան» թերթի խմբագրականին, նրա բազում ընթերցողներին պարբերականի 100-ամյա պատմական հոբելյանի առիթով:

«Վրաստան» իր մեկդարյա պատմության ընթացքում պարզ ճակատով պահպանեց եւ հավատարմորեն ծառայեց երկու եղբայրական ժողովուրդների դարավոր բարեկամությունը եւս մեկ հուսալի հանգույցով կամրջելու առաքելությանը՝ դառնալով ինչպես Վրաստանի ու Հայաստանի, այնպես էլ՝ վիրահայ համայնքի (Շարունակությունը՝ 2-րդ էջում)



«ՎՐԱՍՏԱՆԸ» 100 ՏԱՐԵԿԱՆ Է

ՇՆՈՐՀԱՎՈՐԱՆՔՆԵՐ ՄԵԿԴԱՐՅԱՆ ՀՈՐԵԼՅԱՆԻ ԱՌԹԻՎ

«ՎՐԱՍՏԱՆ» ԹԵՐԹԻ ԽՄԲԱԳՐՈՒԹՅԱՆԸ



Թանկագին բարեկամներ.
Լրացավ մեր «Վրաստան» թերթի առաջին համարի լույսընծայման 100-ամյակը: Հատուկ ցանկանում ենք ընդգծել «մեր» բառը, քանի որ Վրաստանում ծնված ու մեծացած ցանկացած հայի համար «Վրաստանը», շատ հարազատ է ու ցանկալի: «Վրաստանը» այն պարբերականն է, որին արժանիորեն կարելի է համարել վիրահայրության մեկդարյա պատմության մատենագիրը:



Համենայնդեպս, մեզ՝ ախալքալքցիներին համար, «Վրաստանը» ընկալվում է հենց այդ տեսանկյունից, որպես տեղեկատվության հուսալի ու վստահելի աղբյուր, անհրաժեշտության դեպքում՝ նաեւ խորհրդական, որին դիմում ենք, երբ ծագում է մեզնից պահանջ:

Ախալքալքի մունիցիպալիտետի վարչության, սակրեբուլոյի, ողջ բնակչության անունից շնորհավորում ենք մեր սիրելի «Վրաստանի» պանծալի հորեյանը, մաղթում հարատևություն, իսկ խմբագրակազմին՝ քաջառողջություն, երջանկություն, հաջողություններ:

Օգտվելով առիթից՝ ցանկանում ենք Ամանորի եւ Սուրբ Ծննդյան կապակցությամբ մեր շնորհավորանքները հղել ախալքալքցիներին:

Բարեկամներ, մենք միասին անցանք այս դժվարին, մարտահրավերներով հագեցված 2020-ը: Գիտենք, որ համավարակը, դրան հաջորդած տնտեսական ճգնաժամը լուրջ հիմնախնդիրներ ստեղծեցին ձեզանից յուրաքանչյուրի համար: Մունիցիպալիտետի ղեկավարությունը, կենտրոնական իշխանությունների աջակցությամբ, հնարավորինս անում է կենցաղային հիմնախնդիրների այդ բեռի թեթևացման համար: Տա՛ Աստված, որ 2021 թվականին, համատեղ ուժերով հաղթահարենք դժվարությունները եւ կրկին լավատեսորեն նայենք ապագային:

Շնորհավոր Նոր տարի, բարեկամներ:

ՅՈՒՐԻ ՈՒՆԱՆՅԱՆ

*Ախալքալքի մունիցիպալիտետի քաղաքապետ
ՆԱԻՐԻ ԻՐԻՑՅԱՆ
Մունիցիպալիտետի սակրեբուլոյի նախագահ*

ԴՈՒ ՄԻՇՏ ԵՐԻՏԱՍԱՐԴ ԵՍ, ՆՄԱՆ ՔՈ ԽՄԲԱԳՐԻՆ

Բարի լույս «Վրաստան», դու 100 տարեկան ես: Հարյուր զարուհ, հարյուր ծնեռ... թող անվերջ լինեն տարվա բոլոր եղանակներդ: Դու մեզ համար պարզապես թերթ չես, դու մեր 100 տարեկան զանգն ես, որ պահել-պահպանում ես մեր գրականությունը, թատերական արվեստը, նկարչությունը, երաժշտությունը: Դու նրանց տաքուկ անկյուն ես հատկացրել քո գրկում, դրա համար էլ պատմություն ես, անցյալ ու ներկա ունեցող պատմություն: Դու մեր հանրագիտարանն ես, հարյուրավոր հատորներով: Որքան հանճար է չփվել թեզ հետ, չփվում ու դեռ չփվելու է, երանի՜ թեզ, իմ իմաստուն մաշտոցյան այբուբեն: Ու դրա համար դու երկար պիտի ապրես, որ մենք էլ ապրենք:



Շնորհակալ ենք այն ամենի համար, ինչ արել ես: Ու այսօր արդեն մեր շնչով շարունակում ես ապրել մեզ հետ:

Քեզ հետ միասին մենք էլ 100 տարեկան ենք, եւ թող հազարապատկվեն քո քանակն ու տարիները, դու մեր ուրախ ու տխուր օրերի վկան եւ ջահակիրն ես: Ծնունդդ բարի, բարի այնքան, որ ամեն առավոտ քեզնից բարություն ու խաղաղություն ստանանք աշխարհից, եւ թող քո ծնունդը մեր գործեր ու թռիչքներ բերի քո ընթերցողներին:

Դու միշտ երիտասարդ ես, նման քո խմբագրին: Ու տարիքը ձեզ համար կարելի է, կարելի է երկուսիդ իմաստությունն է: Թող հավերժ լինի այդ ամենը... ուրեմն միշտ կսպասենք քեզ, մե՛ր սիրելի «Վրաստան», քո մեր ծնունդներին ու բարի լուրերին:

Բարի լույս, դու մեր բառի ու մտքի շտեմարան:

ԱՐՄԵՆ ԲԱՅԱՆ-ԴՈՒՐՅԱՆ

Թբիլիսիի Պ.Աղամյանի անվան պետհայրամայի գեղարվեստական դեկավար

(Սկիզբը՝ 1-ին էջում)

վերջին մեկդարյա պատմության մատենագիրը:

Սիրելի՛ «Վրաստանցիներ», կրկին շնորհավորում են ինչպես թերթի հորեյանը, այնպես էլ՝ ձեզանից յուրաքանչյուրի եւ ձեր ընթերցողների Նոր տարին, մաղթում քաջառողջություն, անձնական երջանկություն եւ ստեղծագործական հաջողություններ ձեր անչափ պատասխանատու եւ միաժամանակ շնորհակալ գործուն:

ՌՈՒԲԵՆ ՍԱՂՈՅԱՆ

Վրաստանում Հայաստանի արտակարգ եւ լիազոր դեսպան

ՄԵԿԴԱՐՅԱՆ ՄԵՐ «ՎՐԱՍՏԱՆԸ»



Սիրելի «Վրաստան» դարձավ 100 տարեկան: Եթե հետադարձ հայացք գցենք անցած մեկդարյա ճանապարհին, ապա կարող ենք վստահությամբ ասել, որ «Վրաստանը» պարզ ճակատով դիմակայեց ժամանակի փորձություններին, պատվով կատարեց վիրահայրության հուսալի տեղեկատուի ու շահերի պաշտպանի, վրաց եւ հայ ժողովուրդների կամրջող կամարի, վրաց պետականության շինարարության ակտիվ մասնակցի իրեն վերապահվող առաքելությունը:



Մեր՝ Նինոծմինդայի մունիցիպալիտետի բնակիչների անունից, մեծ սիրով շնորհավորում ենք «Վրաստանի» խմբագրակազմին, թերթի ընթերցողներին պարբերականի 100-ամյա հորեյանի առթիվ, մաղթում երկարակեցություն, ստեղծագործական վերելք եւ ներկայիս դժվարին ժամանակների մարտահրավերներին դիմակայելու ունակություն:

Նոր տարվա շեմին կցանկանայինք ամանորյա մեր մաղթանքները հղել հորեյանական «Վրաստանի» աշխատակիցներին, մեր մինոծմինդացիներին, Վրաստանի ողջ բնակչությանը:

Շնորհավոր Նոր տարի եւ Սուրբ Ծնունդ, բարեկամներ: Այսօր բոլորիս համար դժվար է, սակայն վստահ եղեք, մեր համատեղ ջանքերով մենք կկարողանանք հաղթահարել բոլոր դժվարությունները, դիմակայել համավարակով պայմանավորված հիմնախնդիրներին, տնտեսական ճգնաժամին: Տա՛ Աստված, որ 2021-ը դրական առումով շրջադարձային դառնա մեզանից յուրաքանչյուրի համար: Երջանկություն, առողջություն, հաջողություն, բարգավաճում ձեր ընտանիքներին, մեր ողջ երկրին:

ԱՆԻ ՍՈՍՈՅԱՆ

*Նինոծմինդայի մունիցիպալիտետի քաղաքապետ
ՎԱՀՄԱՆ ԱՐՈՅԱՆ
Մունիցիպալիտետի սակրեբուլոյի նախագահ*

ԱՌԱՋՆՈՐԴԱԿԱՆ ԳԻՐ՝ ՕՐՀՆՈՒԹՅԱՆ ԵՎ ՇՆՈՐՀԱՎՈՐԱՆՔԻ

(Սկիզբը՝ 1-ին էջում)

պանում են վստահելի տեղեկատվական աղբյուրի, քաղաքական, հասարակական, մշակութային կապերի ամրապնդողի, բնակչությանը հուզող հարցերը վերհանողի եւ այդ հարցերին պատասխաններ որոնողի, ստեղծագործական ուժեր գտնողի եւ խրախուսողի առաքելությունը: Այսպիսին է «Վրաստանը», ինչի շնորհիվ էլ նրան սպասում են Վրաստանի բոլոր հայ ընտանիքներում: «Վրաստանը» վիրահայրության տարեգիրն է:

Հորեյանական առիթով մեր շնորհավորանքն ու առաջնորդական օրհնությունն ենք բերում թերթի խմբագրակազմին՝ հանձնիս գլխավոր խմբագիր պարոն Վան Բայբուրթյանի: Վերջին տասնամյակների հասարակական, քաղաքական փոփոխությունների ֆոնին, պարբերական մամուլի՝ իր գործառնությունից բացի, «Վրաստանը» վստահելի ուղեցիկ է եղել վիրահայրության համար: Մեր օրերում, երբ ոչ միայն Վրաստանում, այլեւ ողջ աշխարհում տպագիր մամուլը գիշում է իր դիրքերը, ջանասեր խմբագրակազմի շնորհիվ, «Վրաստանը» շարունակում է հավատարիմ մնալ հայրենաշեն ու պետականաշեն իր ուղղվածությանը եւ տպագիր

տարբերակով հասնել հայկական օջախներ:

Մեր օրհնությունն ենք բերում թերթի հավատարիմ ընթերցողներին, որ գիտակից սրտացավությամբ են վերաբերվում հարազատ թերթին, նրա միջոցով գրուցակից դառնում վրաստանաբանակ հայության հետ՝ ստեղծելով յուրատեսակ ջերմ, բարեկամական մի հարթակ:

Մեր երախտագիտությունն ու առաջնորդական օրհնությունն ենք բերում Վրաստանի իշխանություններին՝ մեր երկրի բազմազանության ավանդույթը պահպանելու եւ նրա զարգացմանն օժանդակելու համար:

Հորեյանական առիթով շնորհավորում ենք բոլոր «վրաստանցիներին», մաղթում շնորհաբեր մոր հորեյաններ:

Թող Աստված խաղաղություն պարգևի աշխարհին ու մարդկանց հոգիներին: Թող մեր տարեգրության էջերից իսպառ վերանա «պատերազմ» բառը, չլինեն հիշատակություններ համայն մարդկության համար արհավիրք դարձած համավարակի մասին, որպեսզի խոնարհ երախտագիտությամբ փառք տանք մեր Տիրոջը այժմ եւ միշտ եւ հավիտյանս հավիտենից: Ամեն:

ՏԵՐ ԿԻՐԱՎՈՍ ՎԱՐԴԱՊԵՏ ԴԱՎԹՅԱՆ
Վիրահայր թեմի առաջնորդ

(Սկիզբը՝ 1-ին էջում)

հավորում են թերթի գլխավոր խմբագիր, բազմազգ Վրաստանի շահերի հավատարիմ պաշտպան Վան Բայբուրթյանին:

Լույս տեսնելով Վրաստանի Առաջին Հանրապետության պայմաններում 1920 թվականին՝ «Վրաստանը» ցայսօր պետականորեն կարևորագույն առաքելություն է իրականացնում՝ է՛լ ավելի ամրապնդելով վրաց եւ հայ ազգերի բարեկամությունը:

Այս հարյուր տարիների ընթացքում թերթը դարձել է վստահության, հանդուրժողականության, լավագույն ավանդույթների ու հավատարմության խորհրդանիշը, որին

զգուշությամբ պիտի վերաբերվել, որպեսզի եւս բազմաթիվ սերունդների փոխանցի այս ընդհանուր արժեքները:

Ցավով, այս տարի համավարակի պատճառով չենք կարողանում հորեյանական տարեդարձը պատշաճ կերպով նշել, սակայն, երբ այս մեծագույն մարտահրավերը միմյանց աջակցությամբ հաղթահարենք, վստահ ենք, որ կրկին ավանդաբար միասին կտոնենք:

Մեկ անգամ եւս շնորհավորում եւ բազում հաջողություններ մաղթում:

ԳԻՐՈՐԳԻ ԳԱՆԱՐԻԱՎ
Վրաստանի վարչապետ

(Սկիզբը՝ 1-ին էջում)

Իր մեկդարյա գործունեության ողջ ընթացքում «Վրաստան» թերթը բացառիկ դեր ու նշանակություն է ունեցել վիրահայ իրականության մեջ՝ հանդիսանալով վիրահայերի հասարակական ու մշակութային կյանքի կարելու օջախներից մեկը եւ մշտապես իր շուրջ համախմբելով երկրի հայ մտավորականության կարկառուն ներկայացուցիչներին:

Այսօր էլ «Վրաստանը» շարունակում է եւ, վստահ ենք, շարունակելու է կատարել իր նվիրական առաքելությունը՝ գործունեության առանցքում պահելով հայ

եւ վրացի ժողովուրդների դարավոր բարեկամության տեսլականն ու իր ավանդը ներդնելով երկու ժողովուրդների հետագա մերձեցման, չխամրող ավանդույթների պահպանման եւ մշակութային կապերի զարգացման գործում:

Օգտվելով առիթից՝ եւս մեկ անգամ շնորհավորում են Ձեզ եւ թերթի ողջ անձնակազմին, ընթերցողներին այս նշանակալի հորեյանի առթիվ եւ մաղթում «Վրաստան» թերթին ակտիվ ու բեղմնավոր գործունեություն:

ՆԻԿՈԼ ՓԱՇԵՆՅԱՆ
Հայաստանի Հանրապետության վարչապետ

«ՎՐԱՍՏԱՆԸ» 100 ՏԱՐԵԿԱՆ Է

ԸՆԹՐՈՒՄՆԵՐ ՄԵԿՂԱՐՅԱ ՆՈՐԵՆՆԵՐ ԱՌԹԻՎ

Պարոն Վան Բայրությունյան

Թանկագին բարեկամ, «Վրաստան» թերթի 100-ամյա հոբելյանի առթիվ ի սրտե շնորհավորում են Ձեր գլխավորած խմբագրակազմին, թերթի ընթերցողներին:

Իր մեկդարյա պատմության ընթացքում բազում փորձություններ անցած «Վրաստանը», կորոնավիրուսով եւ տնտեսական ճգնաժամով պայմանավորված այս դժվարին ժամանակ էլ շարունակում է հավատարմորեն ծառայել վրաց պետականության ամրապնդման, ազգամիջյան հարաբերությունների կարգավորման, ազգային փոքրամասնություններին

րին հասարակական կյանքում ինտեգրման աջակցության իր առաքելությանը: Հարատևելություն եւ ստեղծագործական վերելք քեզ «Վրաստան»:

Ձեզ, ինչպես նաեւ իմ սիրելի ընտրողներին, Ախալցխայի, Բորժոմի, Ադիգենիի եւ Ասպինձայի մունիցիպալիտետների բնակիչներին իմ ամանորյա շնորհավորական մաղթանքներն են հղում, մաղթում առողջություն, երջանկություն, ամենայն բարիք:

ԱՆՏՈՆ ՕՐԵՆԼՈՎԻԼԻ

Վրաստանի խորհրդարանի Ախալցխայի, Բորժոմի, Ադիգենիի, Ասպինձայի մեծամասնական պատգամավոր



Թանկագին բարեկամներ

Առանձնակի ջերմությամբ ու զգացումով շնորհավորում են «Վրաստան» թերթի 100-ամյա հոբելյանը: Վրաստանի հայալեզու այս պարբերական նշանակալի դեր է կատարում երկրի ավանդական հանրութայինության մթնոլորտի ձեւավորման գործում, նպաստում ազգությամբ հայ Վրաստանի քաղաքացիներին երկրի հասարակական-քաղաքական կյանքում ինտեգրման գործընթացին:

Օգտվելով առիթից՝ խմբագրակազմին, նաեւ բովանդակներին, դանիսցիներին, Թերթի ծրագրողին եւ ծախսային բնակիչներին ցանկանում են շնորհավորել Ամանորի եւ Սուրբ Ծննդի առիթով: Ամենայն բարիք եւ հաջողություն ձեզ, թանկագին բարեկամներ: Վստահ են, որ համատեղ ջանքերով մենք կհաղթահարենք համավարակով եւ տնտեսական ճգնաժամով պայմանավորված այս բարդ ժամանակահատվածը եւ մոտ ապագայում կրկին կվերածվենք բարգավաճ երկրի:

Շնորհավոր Նոր տարի եւ Սուրբ Ծնունդ **ԳՐԳԻ ՄԵՇԿԵԼԻԱՆԻ**
Բոլնիսի, Դանիսի, Թերթի ծրագրողի եւ Ծախսային մեծամասնական պատգամավոր



(Սկիզբը՝ 1-ին էջում)

գործունեության համար, որը իրականացնում էք մեր երկրի բարձրագույն օրենսդիր մարմնի աշխատանքի վերաբերյալ լրատվությունը հայալեզու բնակչությանը հասցնելու տեսանկյունից: Առանձնակի ցանկանում են մշտապես ավանդել, որը ներդրում էք վրաց եւ հայ ժողովուրդների միջեւ առկա բարեկամության է՛լ ավելի ամրապնդման գործում:

Վրաստանի խորհրդարանի անունից շնորհավորում են թերթի հարյուրամյա հոբելյանն ու հաջողություններ մաղթում ձեր բացառիկ նշանակալի գործունեության համար ի բարօրություն մեր ժողովրդին:

ԱՐՇԻՆ ԹԱՆԿԱՎԱՆԻ

Վրաստանի խորհրդարանի նախագահ

(Սկիզբը՝ 1-ին էջում)

խորհրդարան գումարել, որի աշխատանքին արդեն լծվել են ես՝ շնորհիվ ձեր վստահության: Նախ շնորհակալությունս բոլորիդ եւ ապա՝ նորից խոստումս, որ հաջորդ՝ 2021 թվականին, անելու եմ հնարավորը ձեր հոգսն ու խնդիրը տեղ հասցնելու, դրանց կարգավորմանն աջակցելու համար: Այս պարագայում, երեւի թե, ամենակարեւորը խաղաղությունն է, կայունությունը, որի առկայության դեպքում միայն հնարավոր է գործել ու դրական տեղաշարժ բերել: Թող բոլորիդ օջախներում երբեք չխամրեն լույսը, հույսն ու սերը: Լինենք առողջ հոգեպես, ֆիզիկապես, քանի որ դժվարությունները հատուկ են մարդուն, եւ համակողմանի առողջությունն անհրաժեշտ է հենց այդ դժվարությունները հաղթահարելու համար:

ԱՍՄԿԵԼ ՄԱՆՈՒԿՅԱՆ

Վրաստանի խորհրդարանի մեծամասնական պատգամավոր Ախալքալաքիից եւ Նինոծմինդայից

(Սկիզբը՝ 1-ին էջում)

զգացվեց հասարակության հեռացումը սոցիալական ու տնտեսական խնդիրներից: Հուսանք, որ 2021 թվականին, լիովին կհաղթահարվի թագավարակը եւ երկրի տնտեսական կյանքը կշարունակի ճիշտ կառուցվել եւ, ամենակարեւորը, կբխի հասարակության շահերից: Հիմա երբ հնի ճանփաթեմում շուտով հանդիպելու ենք նորին, երբ հերթական տարին դառնալու է պատմություն, մենք հիշելու ենք յուրաքանչյուր իրադարձություն: Բայց եկեք վատ հիշողությունները թողնենք անցյալում եւ նորովի, նոր հույսերով ու ակնկալիքներով պլանավորենք ապագան: Մաղթում են, որ Նոր տարին բոլորիս համար լինի ավելի լավը, քան հեռացողը:

Շնորհավոր Նոր տարի եւ Սուրբ Ծնունդ:

ՍՄԲԱՏ ԿՅՈՒՐԵՂՅԱՆ

Վրաստանի խորհրդարանի համամասնական պատգամավոր

Վրաստանի հայալեզու հասարակական քաղաքական «Վրաստան» թերթը 100 տարեկան է...

Բացառիկ է նրա դերն ու ծառայությունը երկրի ժողովրդային պատմության մեջ: Թերթը միշտ եղել է մնում է Վրաստանի բազմազգ շահերի պաշտպանն ու բարու մեծ ներդրողը վրաց եւ հայ ազգերի բարեկամության ամրապնդման չափազանց կարևոր գործում: Մեկդարյա թերթի հոբելյանին Վրաստանի ժողովրդային միությունը շնորհավորում է խմբագրակազմին՝ լրագրողներին ու թերթի բոլոր աշխատակիցներին: Շնորհավորում ենք նրա ընթերցողներին, հեղինակներին, ողջ Վրաստանին: Հոբելյանի առթիվ առանձնակի հարգանքով եւ սիրով շնորհավորում ենք նրա գլխավոր խմբագիր, Վրաստանի վաստակավոր լրագրող, Վրաստանի ժողովրդային միության վարչության անդամ պարոն Վան Բայրությունյանին: Վիթխարի է նրա ներդրումն ու ծառայությունը

թերթի ճիշտ դիրքորոշման ձեւավորման, ավանդույթների պահպանման եւ զարգացման գործում, որից էլ բխում է նրա նկատմամբ մեր մեծ հարգանքն ու սերը...

Նշենք, որ Վրաստանի ժողովրդային միությունը ընդունել է որոշում համավարակից հետո թերթի հոբելյանը շուրջ մշտապես մնալի:

Շնորհավորում ենք, սիրում եւ հպարտանում ձեզանով, սիրելի գործընկերներ...

ՍՄԻՐԵՆ ԳԻԳԻՆԵՇՎԻԼԻ

ՍՄԻՐԵՆ ԹԵՐԹՈՒՄԱՆԻՉԵ

Վրաստանի ժողովրդային ստեղծագործական միության համամասնական



Լրացավ Վրաստանում լույս տեսնող հայալեզու «Վրաստան» հասարակական-քաղաքական շաբաթթերթի հիմնադրման 100-ամյակը:

Անշուշտ, լրատվամիջոցի համար պատկանելի այս հոբելյանն իր մեջ ամփոփում է ամենօրյա նվիրված աշխատանք, բարեկամ Վրաստանում հայ մամուլ ունենալու անհազ ցանկությունն ու դրա իրականացման ճանապարհին ցանկացած խոչընդոտ հաղթահարելու կամքը:

Հայաստանի ժողովրդային միությունը շնորհավորում է «Վրաստան» հայալեզու թերթին, մեր գործընկերներին մաղթում բեղմնավոր աշխատանք, ընթերցողների ստվար բանակ, հայ-վրացական բարեկամության մասին փաստող բազմաթիվ հրապարակումներ ու անխափան ընթացք:

Հայաստանի ժողովրդային միության նախագահ ՍԱԹԵՆԻԿ ՄԵՅՐԱՆՅԱՆ



Թերթերի, մամուլի օրգանների երկարակեցությունն ապահովելը, մանավանդ լրատվական այլ միջոցների գերառատության ներկա պայմաններում, հիրավի, այնքան էլ դյուրին գործ չէ: Ակնհայտորեն նվազել է ընթերցողների թիվը, էլ չխոսենք ֆինանսական դժվարությունների մասին: Այս առումով չափազանց ուրախալի է, որ մեր հարեւան եւ բարեկամ երկրի մայրաքաղաք Թբիլիսիում շարունակում է լույս տեսնել հարյուրամյա հայատառ ու հայաշունչ «Վրաստան» թերթը՝ ապահովելով տպագրական:

Գիտենք, որ «Վրաստանը» անցել է դժվարին ժամանակների միջով՝ անձի պաշտամունք, քննախույզ վերահսկողություն, այնուհետեւ խառն ու պատերազմական տարիներ: «Վրաստանը» եղել է այդ ամենի վկան ու տարեգիրը, իր անուրաքանչյուր նպաստը բերել հնօրյա մեր երկու ժողովուրդների բարեկամության առավել սերտացմանը, հայաշունչ պահել հազարավոր հայ օջախներ: Եվ այսօր՝ իր հարյուրամյա հոբելյանական բարձունքին հասած, շարունակում է պետականամետ ու ազգամեծ իր առաքելությունը: Թող հարատեւ լինի այդ առաքելությունը՝ ի շահ հայապահպանության ու մեր ժողովուրդների անխախտ բարեկամության:

Սրտանց շնորհավորում են թերթի դարձնալից հոբելյանը, մաղթում անխոչընդոտ ու լուսավոր ճանապարհ, ստեղծագործական հաջողություններ խմբագրակազմին, նորոգ ուժ ու եռանդ անձամբ իրեն պատվարժան խմբագիրին:

ԱՐԹՈՒՐ ՂԱՐԱՎՅԱՆՅԱՆ

«Հայաստանի Հանրապետություն» օրաթերթի գլխավոր խմբագիր

ք.Երևան

Ի սրտե շնորհավորում են Վրաստանի վերջին մեկդարյա պատմության հայալեզու մատենագիր «Վրաստան» թերթի 100-ամյա հոբելյանը: «Վրաստանը», իրենից ընդամենը երկու տարով մեծ, մեր «Սաքաբվելու ռեսպուբլիկա» թերթի հետ միասին անցավ բարդ, քաղաքական ու հասարակական մարտահրավերներով հագեցած պատմական մի ողջ դարաշրջան՝ հավատարմի մնալով վրաց եւ հայ ժողովուրդների բարեկամության ջատագովի, երկու հարեւան՝ Վրաստանի եւ Հայաստանի միջեւ միջպետական հարաբերությունների ամրացնողի ու խորացնողի, Վրաստանում ազգամիջյան հանդուրժողականության գաղափարի հավատարմի հետեւողի իր պատմական առաքելությունը:

Կարելի է ասել, որ «Վրաստանը» իր իսկ գոյությամբ արդեն իսկ բացառիկ է: Մի ողջ դարի ընթացքում այն Վրաստանում ներկայացրել է վերահայության բազմոլորտ կյանքը, իշխանություններին հասցրել համայնքի հոգսերն ու հիմնախնդիրները, հնարավորինս օգնել դրանց կարգավորմանը: Եվ այդ շնորհակալ գործում մեծ է թերթի երկարակյաց խմբագրի՝ իմ մեծ բարեկամ Վան Բայրությունյանի ավանդը: Նա նույնիսկ խորհրդարանի պատգամավորի, երկրի նախագահի խորհրդականի կարգավիճակով անգամ, ջանք ու եռանդ չէր խնայում «Վրաստանի» արդիականությունը, ժամանակի ոգով թերթի աշխատանքի կազմակերպումը ապահովելու համար:

Սիրելիներս, շնորհավորում են ձեր պանծալի թերթի մեկդարյա հոբելյանը, մաղթում հարատևելություն, ժողովրդային կրթական հայտնագործություններ, հետաքրքիր հոդվածներ եւ, բնականաբար, բազում ընթերցողներ:

ՄՊԱՐՏԱԿ ԶՈՐՈՒԼԻԱ

«Սաքաբվելու ռեսպուբլիկա» թերթի գլխավոր խմբագիր



Վան ջան.

Ի սրտե շնորհավորում են «Վրաստան» թերթի մեկդարյա հոբելյանը: Դեռեւս 1920 թվականին ազգամիջյան հարաբերությունների խորացման աջակցի, երկրի պետականության կուրսի մարմնավորողի, վրաց եւ հայ ժողովուրդների միջեւ բարեկամության կամրջողի առաքելությունը ստանձնած «Վրաստանը» իր մեկդարյա պատմության ընթացքում հավատարմորեն ծառայել է այդ նպատակներին, հնարավորության սահմաններում նպաստել դրանց զարգացմանը: Եվ այսօր, տնտեսական ճգնաժամով, կորոնավիրուսի համավարակով պայմանավորված այս դժվարին ժամանակաշրջանում «Վրաստանը», ի տարբերություն մեր «Սվրդոլնայա Գրուզիա» թերթի, որն անցել է էլեկտրոնային համացանցային հրատարակման, շարունակում է իր գործունեությունը: Կեցեք, «վրաստանցիներ»:

Թանկագին Վան, Ձեզ եւ հանձինս Ձեզ, շնորհավորում են «Վրաստան» թերթի բոլոր աշխատակիցներին, ընթերցողներին, Վրաստանի ժողովրդային հասարակությանը, երկրի ամենահին պարբերականներից մեկի՝ «Վրաստանի» առաջին համարի լույսընծայման 100-ամյակի առթիվ, մաղթում հարատևելություն, ընթերցողների շահագրգիռ բազմություն, իսկ ձեզանից յուրաքանչյուրին Ամանորի շեմին մաղթում են երջանկություն, հաջողություններ եւ առաջընթաց:

ՏԱՏՈՒ ՄԱՍԻՆՇՎԻԼԻ

«Սվրդոլնայա Գրուզիա» թերթի գլխավոր խմբագիր



ԽՈՐՀՐԱՐԱՆԸ ՄԻԱՅԱՅՆ ՀԱՍՏԱՏԵՅՑ ՎԱՐՉԱԴԵՏ ԳԻՈՐԳԻ ԳԱԽԱՐԻԱՅԻՆ ԵՎ ՆՈՐ ԿԱՌԱՎԱՐՈՒԹՅԱՆ ԿԱԾԱՆԸ

(Սկիզբը՝ 1-ին էջում)

Ցքիտիշվիլի, ներքին գործերի նախարար Վախթանգ Գոմելաուրի, էկոնոմիկայի եւ կայուն զարգացման նախարար Նաթիա Թուրմաշվա, արտաքին գործերի նախարար Դավիթ Ջալալիանի, արդարադատության նախարար Գոչա Լորթքիփանիձե, ֆինանսների նախարար Իվանե Մաճավարիանի, կրթության, գիտության, մշակույթի եւ սպորտի նախարար Միխեիլ Չիսենկելի, բռնազավթված տարածքներից փախստականների, աշխատանքի, առողջապահության եւ սոցիալական հարցերի նախարար Էկատերինե Տիկարաձե, բնապահպանության եւ գյուղատնտեսության նախարար Լեւան Դավիթաշվիլի, պաշտպանության նախարար Իրակլի Դարիբաշվիլի, հաշտեցման եւ քաղաքացիական իրավահավասարության հարցերով պետական նախարար Թեա Մխվելիդիանի:

Ինչպես նշվեց, խորհրդարանը հավանություն տվեց նաեւ կառավարական գործունեության ծրագրին: Այն կոչվում է «Հանուն Եվրոպական պետության ստեղծման»: Ծրագրով սահմանված նպատակներն են՝ համավարակով պայմանավորված ճգնաժամի հաղթահարում, տնտեսության արագ վերականգնում եւ զարգացում, յուրաքանչյուր քաղաքացու համար կայուն ու ապահով միջավայրի ստեղծում, կառուցվածքա-

լիկ բարեփոխումների շարունակում:

Նշված նպատակներից ելնելով՝ կառավարությունը ծրագրում է ջանքերը կենտրոնացնել 4 ուղղություններով՝ արտաքին քաղաքականություն, անվտանգություն, հակամարտությունների կարգավորում ու մարդու իրավունքներ, տնտեսական զարգացում, սոցիալական քաղաքականություն եւ մարդկային կապիտալի զարգացում, պետական կառավարում: Կառավարական ծրագրում հիմնական մասը նվիրված է համավարակի դեմ պայքարին եւ համավարակի պայմաններում տնտեսական ակտիվության ապահովման, աշխատատեղերի պահպանման, մարդկանց սոցիալ-կենցաղային պայմանների, ինչպես նաեւ ենթակառուցային նախագծերի իրականացման միջոցառումներին:

Վստահություն ձեռք բերելու համար կառավարությանը անհրաժեշտ էր 76 պատգամավորի աջակցություն:

Հիշեցնենք՝ նորընտիր խորհրդարանի նիստերին չի մասնակցում 8 ընդդիմադիր կուսակցությունների 60 պատգամավոր: Վերջիններս բոլորտի ռեժիմում են, քանի որ չեն ծանաչում հոկտեմբերի 31-ին կայացած խորհրդարանական ընտրությունների արդյունքները:

Ավելացնենք, որ Վրաստանի նախագահ Սալոմե Ջուրաբշվիլին դեկտեմբերի 25-ին ստորագրեց Գիորգի Գախարիային վարչապետ նշանակելու հրամանագիրը:

ԳԻՈՐԳԻ ԳԱԽԱՐԻԱ. «ՆՈՐ ԿԱՌԱՎԱՐՈՒԹՅՈՒՆԸ ԿՅԱՂԹԱՅԱՐԻ 2021 ԹՎԱԿԱՆԻ ՆՈՐ ՄԱՐՏԱՅՐԱՎԵՐՆԵՐԸ»

Ինչպես արդեն հաղորդել ենք, դեկտեմբերի 25-ին, չորսօրյա քննարկումից հետո, Վրաստանի խորհրդարանը հաստատեց երկրի կառավարության կազմն ու հավանություն տվեց «Հանուն Եվրոպական պետության ստեղծման» կառավարության գործողության ծրագրին: Այն պատգամավորներին ներկայացրեց վարչապետ Գիորգի Գախարիան:

ՀԵՇՏ ԶԷ ԱՇԽԱՏԱՆՔՆ ԱՌԱՆՑ ԲԱՆԱԿԵԾԻ ԵՎ ԸՆԴԴԻՄԱՆՈՒՄԻԹՅԱՆ



Վրաստանի խորհրդարանում կառավարության գործունեության ծրագիրը ներկայացնելիս՝ Գիորգի Գախարիան նախ խոսեց հոկտեմբերի 31-ի ընտրությունների արդյունքներով ձեւավորված խորհրդարանի աշխատանքին ընդդիմադիր ու կուսակցությունների բոլորտի մասին՝ նշելով, որ այնքան էլ հեշտ չէ աշխատանքն առանց բանավեճերի ու ընդդիմախոսության:

- Դա կառավարող թիմի խնդիրը չէ, դա մեր քաղաքացիների պահանջն ու հանձնարարությունն է, ովքեր եւ սահմանեցին, որ խորհրդարանում լի-

60 ընդդիմադիր մանդատ: Վրաստանի քաղաքացին ասաց, որ այս մարդիկ նստեն խորհրդարանում եւ, ինչպես ինձ են պարտադրել հանդուրժել ու աշխատել նրանց հետ, այնպես էլ նրանք պետք է հանդուրժեն աշխատել ինձ հետ: Հետեւաբար, այս պատասխանատվությունը պետք է հասկանան բոլորը: Երկխոսությունը պարտավորություն է, մենք կիսում ենք այդ պարտավորությունը եւ միշտ պատրաստ ենք երկխոսության,- հայտարարեց վարչապետն ու հավելեց, որ ռազմավարական գործընկերներն ընդդիմությանը կոչ են անում մի պարզ բան, քաղաքականությամբ զբաղվել խորհրդարանում եւ ոչ փողոցում:

2021 ԹՎԱԿԱՆԸ ԴԱՌՆԱԼՈՒ Է ԷԿՈՆՈՄԻԿԱՅԻ ԱՌԱՋՆԵԹԱՅԻ ՏԱՐԻ

Ներկայացնելով կառավարության գործունեության նախագիծը՝ վարչապետ Գիորգի Գախարիան հայտարարեց, որ ծրագիրն, ինչպես նաեւ 2021 թվականի պետական բյուջեն ուղղված են կորոնավիրուսի համավարակի պայմաններում էկոնոմիկայի հնարավորինս աջակցությանը, ինչը մարդկանց սոցիալ-կենցաղային պայմանների բարելավման նախադրյալն է: Նրա խոսքով, երկրի էկոնոմիկայի համար 2021 թվականը պետք է դառնա վերականգնման, առաջընթացի տարի:

Գիորգի Գախարիան կենտրոնացավ կառավարության ծրագրի հիմնական ուղղությունների վրա եւ խոսեց տնտեսական հատվածի մասին՝ շեշտելով, որ աղքատության հաղթահարման ամենաառողջ ձևերից մեկը լրացուցիչ աշխատատեղերի ստեղծումն է, որը պետք է ստեղծվի ազատ, ուժեղ բիզնեսի կողմից:

- Նախ, մեր ծրագրի ամենակարևոր մասը երկրի տնտեսական զարգացումն է: Երբ մենք խոսում ենք տնտեսական զարգացման մասին, բոլորս էլ հասկանում ենք, որ այսօր պետության կառուցվածքային մարտահրավերն ու խնդիրը աղքատության հաղթահարումն է,- ընդգծեց վարչապետն ու հավելեց, որ մասնավոր սեկտորն այն շարժիչ ուժն է, որը նախ պետք է պահպանվի համավարակի պայմաններում եւ ապա ստեղծի նոր լրացուցիչ աշխատատեղեր:

- Մասնավոր հատվածի եւ բիզնեսի զարգացման համար միջավայրի կարելու բաղադրիչներից մեկը, իհարկե, մակրոտնտեսական կայունությունն է, որն այսօր լուրջ մարտահրավերների է բախվում համաշխարհային համաճարակային իրավիճակի պայմաններում: Ինչպես բոլորը գիտեք, Վրաստանի բյուջեի մակրոտնտեսական ցուցանիշները բավականին լուրջ մարտահրավերների առջև են կանգնած, եւ մենք պետք է ամեն ինչ անենք, որպեսզի առաջիկա 3-4 տարիներին մեր բյուջեի մակրոտնտեսական ցուցանիշները վերադարձնենք այն ցուցանիշին, որով սկսեցինք 2020 թվականը,- հայտարարեց Գախարիան:

ՊԵՏՈՒԹՅՈՒՆԸ ՀՆԱՐԱՎՈՐԻՆՍ ՕԳՆՈՒՄ Է ՔԱՂԱՔԱՅԻՆԵՐԻՆ

Ինչպես հայտարարեց վարչապետ Գիորգի Գախարիան, կառավարությունն անում է հնարավորը, որ լարիի փոխարժեքի վրա ճնշումը հասցվի նվազագույնի եւ աջակցի քաղաքացիներին:

- Սպառողական զանքյուղը չափման միավոր է, որը սահմանում է Վրաստանի վիճակագրության ազգային վարչությունը, եւ դա ունի ավելի մակրոտնտեսական հարթություն: Մենք շատ լավ հասկանում ենք, որ լարիի փոխարժեքն ունի ուղղակի սոցիալական նշանակություն, բայց դա ոչ մի կապ չունի սպառողական նվազագույնի հետ,- նշեց վարչապետը:

- Բոլորս պետք է հասկանանք, որ հենց Վրաստանում լարիի փոխարժեքը մի քանի կետով արժեզրկվում է, մեր յուրաքանչյուր քաղաքացին զգում է դրա սոցիալական ազդեցությունը: Ոչ մի երկիր, այդ թվում՝ Վրաստանը, չի կարող միայնակ հաղթահարել այս ճգնաժամը: Մենք ամեն ինչ անում ենք, որպեսզի նվազագույնի հասցնենք ճնշումը լարիի փոխարժեքի վրա, եւ պետությունը հնարավորության սահմաններում օգնում է քաղաքացիներին: Այնպես, ինչպես դա արել ենք էներգետիկայի եւ շատ այլ ոլորտներում,- հայտարարեց Գիորգի Գախարիան:

ԵՎՐՈՊԱԿԱՆ ԵՎ ԵՎՐԱՏԼԱՆՏԱՆ ԸՆՏՐՈՒԹՅՈՒՆԸ ՄԵՐ ՔԱՂԱՔԱՅԻՆԵՐԻ ԸՆՏՐՈՒԹՅՈՒՆԸ Է

Անդրադառնալով երկրի արտաքին քաղաքական կուրսին՝ Գիորգի Գախարիան հայտարարեց, որ ՆԱՏՕ-ի հետ բոլոր ձեւաչափերով համագործակցությունը, նախքան դաշինքին լիիրավ անդամակցությունը, կլինի Վրաստանի ցանկացած կառավարության թիվ մեկ գերակայությունը:

Նրա խոսքով, եվրոպական եւ եվրատալանտյան ինտեգրումը Վրաստանի քաղաքացիների ընտրությունն է, եւ նրանք տարիների ընթացքում տարբեր հարցումներում հաստատել են այդ ընտրությունը:

- Այստեղ ամենակարևորն այն է, որ սա ընտրություն է, որը հիմնված է մեր քաղաքացիների արժեքների վրա: Սա մեզ հնարավորություն է տալիս ասելու, որ երկրի եվրոպական եւ եվրատալանտյան ինտեգրման ընտրությունն անշրջելի է,- ասաց Գիորգի Գախարիան:

ԿՐԹՈՒԹՅԱՆ ՈԼՈՐՏ. 2021-2024 ԹՎԱԿԱՆՆԵՐԻ ԾՐԱԳՐԵՐԸ

Վրաստանի խորհրդարանի հավանությանն արժանացած «Հանուն Եվրոպական պետության ստեղծման» կառավարական ծրագրի բաղադրիչ մասերից մեկը վերաբերում է կրթության ոլորտին, որը, վարչապետ Գիորգի Գախարիայի հավաստմամբ, շարունակում է մնալ կառավարության կարևորագույն առաջնահերթություններից մեկը:



Վրաստանի կրթության, գիտության մշակույթի եւ սպորտի նախարար Միխեիլ Չիսենկելու պարզաբանմամբ, իրականացվող բարեփոխումն ընդգրկելու է կրթական համակարգի բոլոր փուլերը:

Մասնավորապես, վաղ եւ նախադպրոցական կրթությունը շարունակելու է անվճար մնալ: Համապատասխան միջոցառումներ կձեռնարկվեն նախադպրոցական հաստատություններում աշխատողների վարձատրությունը բարելավելու եւ նրանց որակավորումը բարձրացնելու ուղղությամբ:

Վրաստանի փոքրամասնություններով հոծաբնակ բոլոր շրջաններում պետական լեզվի դասավանդումը կիրականացվի երկլեզու մոդելով, ինչը կօգնի բարելավել նախադպրոցական պատրաստվածությունը՝ անցնել որակյալ կրթական գործընթացին արդեն հանրակրթական հաստատությունում:

Կստեղծվի 1-6 տարեկան երեխաների վիճակագրական տվյալների ինտեգրված էլեկտրոնային համակարգ:

Առաջնային կլինի նաեւ հանրակրթության համակարգում երիտասարդ, որակյալ կադրեր ներգրավելը: Այս նպատակով առաջիկա տարիներին հանրային կրթության բյուջեն ֆինանսավորումը կավելանա եւ կբարձրանա ուսուցիչների ու դպրոցների աշխատակազմի մյուս անդամների աշխատավարձը: Մշակվելու եւ ներդրվելու են դպրոցների կառավարման ու ֆինանսավորման տարբեր մոդելներ: Կներդրվի երկլեզու ուսուցման տարբերվող լայնածավալ մոդել ոչ վրա-

ցալեզու դպրոցների աշակերտների համար, կմշակվի ուսուցչի մասնագիտության կանոնակարգման նոր կարգ, կիրականացվեն շարունակական մասնագիտական զարգացման միջոցառումներ ուսուցիչների մասնագիտական կարիքներին համապատասխան:

Նախարարի խոսքով, Վրաստանի կառավարության եւ դոմոր կազմակերպությունների ֆինանսավորմամբ, 2021-2024 թթ. նախատեսվում է վերականգնել եւ կառուցել հանրակրթական դպրոցներ: Մասնավորապես, 2021-2022 թվականներին կավարտվի 47 դպրոցների կառուցումը եւ 80 դպրոցի ամրացում/ամբողջական վերականգնումը:

Եականորեն կավելացվի բարձրագույն կրթության ֆինանսավորումը: Կմշակվի բարձրագույն կրթության համակարգի ֆինանսավորման նոր մոդել, որը կնպաստի ուսումնական հաստատության կայուն զարգացմանն ու ուսումնական գործընթացի ուսման արդյունավետությունը:

Մասնագիտական կրթության զարգացումը կմնա Վրաստանի կառավարության գերակայությունը՝ որպես կարևոր գործիք, աշխատաշուկայի պահանջարկի եւ առաջարկի անհավասարակշռության վերացման համար: Պետություն-մասնավոր հատված գործընկերության միջոցով կներդրվի մասնագիտական կրթության համակարգի կառավարման նոր մոդել: Կսկսվի ոչ ֆորմալ կրթության ճանաչում, եւ կընդլայնվի ճանաչման շրջանակը: